

Յ Ա Մ Ա Ն Ա Կ Ա Պ Ր Ա Կ Ա Ն

ՊԱՏՄՈՒԹԻՒՆ Ս. ԵՐՈՒՍԱԴԼԵՄԻ

Գ Լ ՈՒ Խ Ա .

Մենիկ Շղվիսյակը ՚ի Կոստանդինուպոլսոյ . ժամանել նորա ՚ի Բերիա և անտի յերուսաղէմ : Գարեկարգութիւն Ս . Յակոբայ : Ուխտաւորք Յայտէյու : Կարապետ Կաթուղիկոս : Կաննք Ս . Յակոբայ :

Իսկ Գրիգոր և Յովհաննէս Պատրիարքունք աջակցեալ ընդ միմեանս՝ մեծապատակ ջանիւք՝ ժողովեցին բազում ինչ յազգէն Հայոց , և վճարեցին ըստ մասին ըզպարտան , և գնեցին ՚ի Յոպպէ վերիս մթերանոցս , և ըզսենեակսն ՚ի վերայ նոցա և խառնեցին ՚ի վանս եւ յանդիման սոցին զփուռն հացի ՚ի ծովեզրն՝ զոր յետոյ յափըտակեցին այլազգիք :

Եւ ինքն Գրիգոր ետես զհաշիւն իւր ընդ Յովհաննու Պատրիարքի , սկսեալ ՚ի թուականէն 1717, յոր եմուտ ՚ի գործ ծառայութեան Ս . Աթոռոյն , և մաքրեաց զամենայն տուր և առ գործս իւր . և ապա գնացեալ երկոքեան ՚ի դատարան Մահմուտ Փաշայի՝ ետուն հաստատել զայն դատաւորին , եւ ինքն Գրիգոր ետ նմա գիր անդորրութեան :

Եւ յետ այնորիկ կարգեաց զնոյն ինքն զՅովհաննէս Պատրիարք Փոխանորդ Աթոռոյն Երուսաղէմի՝ հաճութեամբ ազգային երեւելեաց . և նա յօժարութեամբ յանձն առ աշխատիլ անձանձիր յօգուտ եւ ՚ի շինութիւն Ս . Աթոռոյն եւ ամ ըստ ամէ առաքէր յերուսաղէմ զտուճար հաշուի իւրոյ :